

حيات

حيات د ائما ميان... د بيا راهه هره حيات قاتلم...
- نجي -

اداره مركزي :

آفروده ، استانبول جاده سنده آفرو
معارف امينكي يانده كي داږه

استانبول بوروسي :

استانبولده ، باب عالي جاده سنده رسلي پرشنيه
اداره خانمسي خاښنده كي داږه
تلفون : ۳۶۰۷

نومبرسي هربرده ۱۰ غرورده .

سوله كي پوسته ايله ه ليرا .
(اجنبي مملكتلر ايچين ه دولار)

اږونه وعلان ايشلري ايچين استانبول بوروسه
مراجعت ايديليو .
يازي ايشلرئلك مرجهي آفرو مركزيدر .

۱ نجي جلد

آفروده ، ۲۰ كانون ثاني ، ۱۹۲۷

صافي : ۸

صاحب

« کامل انسان » مفهومی

بر فیلسوف شویله دیر : « بکا بر مملکت خلقنک بر زمانده کی قناعتلرینی ، عقیده لرینی سویله بیکز ، اوافق بر خطایله بو مملکتک اوزمانده کی حیات طرزینی ، قبول ایلدکلری مدنیتی توصیف ایدیم . » فی الحقیقه اجتماعی مؤسسه لر ، یاشامه طرز لری وجدانلرده کی قناعته دایانیر . اگر بعض مؤسسه لر فردلرک اعتقادلرینه ، قناعتلرینه اویما بورسه اونلر ایرکچ دکیشمکه محکومدر . هیچ بر قوت اونلری یاشاناماز . بونک ایچوندرکه فردلرک اعتقادلرندن اجتماعی مؤسسه لری ، اونلرک حرکتلرینی ، بائقابه اجتماعی مؤسسه لرندن ، حرکتلرندن وجدانلرده کی عقیده لری استدلال دائماً قابلدر . بر انقلاب تماماً موفق اولایلیمک ایچون فردلرک قناعتلرنده ، اعتقادلرنده دکیشیکلک وجوده کتیره سی ایجاب ایلدر . حد ذاتنده موفق اولمش انقلابلر یکدیگرینی تعقیب ایلین ایکی صفحه بی احتوا ایدر ، بری فردلرک اسکی قناعتلرندن ، اسکیدن اینانیلان فکرلرک بر قسمندن آیریلایسی ، دیکری بو صورتله وجوده کلن حیاتک انکشافیدر . صوک انقلابمز بزی اسکی عقیده لرک بر قسمندن آیرمش ، یکی بر حیاته آئمشدر . بزه و بزدن صوکرکی نسله ترتب ایلین وظیفه ایکنجی صفحه بی تحقق ایتدیرمک ، یعنی انقلابک یاراندینی حیاتک انکشافه چالیشمقدر . بو کونک متفکرلرینه ده ترتب ایلین وظیفه انقلابک هانکی فکرلری ، هانکی عقیده لری

بیقیدینی تعیین ایلیمک و بو صورتله یکی حیاتک اساسلرینی تثبیت ایتمکدر .

انقلابمزک دکیشدیردیکی قناعتلرک مهملرندن بری ده « انسان کامل » حقنده کی تلقیدر . ذاتاً مختلف مدنیتلره منسوب جمعیتلرک « کامل انسان » حقنده کی تصورلری آیری آیریدر . اسکی یونان و رومالیرک ، یاخود قرون وسطا حیاتی یاشایان بر جمعیتک « کامل انسان » انموذجنده آرادینی اوصاف بو کونکندن باشقه در . بو کون مدنی بر ملتده کامل انسان ، شخصییتی بارز اولان فردلره ده نیر . بو نوع شخصییتی بزه کوسته رهمک معیارنده در ؟ بو خصوصده الک ایی تعریفی ، الک دوغرو معیاری نه مه رسن خلاصه ایلهمشدر . بو فیلسوف حقیقی شخصییتی « بالکیز حضور یله اطرافنه مؤثر اولایلین بر قوت خزینه سی اولارق » تعریف ایدیور . مدنی جمعیت بالکیز ، اجتماعی وطیبی محیطنه تأثیر یا پیغمه قادر بو جنس فردلره قیمت ویریر . انقلاب تورک جمعیتنه معاصر مدنیتده الک یوکسک وظیفه لری یا پیغمی مفکوره اولارق تلقین ایلهمشدر . بو مفکوره نک تحقیقی ایچون مدنیتک مشترک اعتقادلرینه و بو میانده « کامل انسان » حقنده کی تلقیسنه ده صاحب اولمغه مجبورز . تورک وطنداشی نه درجه اجتماعی وطیبی محیطنه مؤثر اولاجق قوته مالک ایسه اونستنده حقیقی بر شخصیت اکتساب ایدر و عموم نظرنده قیمت صاحبی اولایلیر .

کامل انسان حقنده کی بوتلقی تربیه مفکوره سنی بزه کوسته ریر . تربیه نک ایدم آلی هیچ شبهه یوق که کامل وطنداش یتیشدیرمکدر . کامل وطنداش ایسه محیطنه تأثیر یا پاییلین ، حقیقی شخصییتی اولان فردلردر . او حالده معلملرک

وظیفه سی کنجلرده بویله بر شخصیت وجوده کتیرمکه چالیشمقدر . علمده بونک ایچوندر . حقیقی علمدرکه فردک قوتی ، بناء علیه محیطنه تأثیر اقتدارینی آرتیریر .

« کامل انسان » حقنده کی بو مدنی تلقی مملکتمز ایچون تماماً یکیدر ، ده دوغروسی کچیردیکمز انقلابلر بزه بو تصور ی تولید ایتمشدر . حالبوکه ده اول کامل انسان تلقیسی هیچ بویله دکلدی . منور ده نیلین فردلر ایچنده هر کسجه الک چوق مقبول عد ایدیلنلر محیطنه مؤثر اولمق ایسته مه یین لاقید انسانلردی . بونلرک حرکتلرنده الک مهم دستور « آدام سنده ... » ، « نه مه لازم ؟ » ، دن عبارتدی . اطرافلرنده کی انسانلرک یا کلش قناعتلر اورتایه قویدقلری کورولور ، « آدام سنده ! » دیرکچلر ، مدرسه تدریساتی مضر در بیلیرلر ، « نه مه لازم » دیمکله اکتفا ایدرلر . دماغلرنده او قودقلری کتابلردن آلینمش دوغرو فکرلر واردر . بعضاً بونلر دیلرلرینک اوجنه کلیر ، سویله مزلر . « آدام سنده ... » دستوری اونلرده بو فکرلری جانمز حاله کتیریر .

هیچ بر تأثیرلری ، طبیعت و جمعیت اوزرنده هیچ بر ایزلری اولمایان بو انسانلری اوزمانک افکار عمومی سی تقبیح ایتیهور ، بالعکس مقبول کورویوردی . ذاتاً ترقی جریانه قاپیلماش عاطل جمعیتلر بو نوع انسانلری ایسته ر . مکتبلرده محیطک بو تمایلنه تابع اولارق ، حیات قوتلری سونوک انسانلر یتیشدیرییور ، « آدام سنده .. » « نه مه لازم ؟ » دستورینه کوره حرکته آلیشدیریوردی .




صنعت و فلسفه

بر فلسفه سیستمی بر صنعت اثرینه بکرمه نك
قادر اویغون بر تشبیه اولاماز. چونکه فلسفه سیستمی ده
صنعت اثری کی بر نوع « ترکیب » در. هر صنعت
اثری بر طاقم رنگر، چیزکیلر، جسملر و یاسلردن
تشکیل ایدر، هر فلسفه سیستمی ده بر طاقم فکرلردن
محاکمه نردن، خیالردن تشکیل ایدر. . . . صنعت
اثری بر طاقم عنصرلردن تشکیل ایتکله برابر، اونی
وجوده کترین فعالیت بو عنصرلرک « کلیشی کوزل
قاریشما » سی دکل در، بلکه « خصوصی و معنالی بر
طرزده امتزاج » ی در. . . . ایتنه صنعتکارک اصل
ایجاد ی بو معنادر. ایتنه فلسفه سیستمی ده وجوده
کترین فکرلرک، خیاللرک « یان یانه کله سی » دکل،
بونلرک « بر معنایه » مطلق فکرلرک دلالت ایدم. جک
صورته برلشمه سی، آکلاشماسی « در. . . . ایکی
نوع ترکیب آراسنده یالکز شو فرق وارد در :
صنعت اثرنک افاده ایتدیکی معنا بدیی بر
قیمت در، صنعت آنجق خیاله قادر واریر. حال بوکه
فلسفه اثرنک افاده ایتدیکی معنا فکری بر قیمت در،
فلسفه الک مجرد مفهوملر قادر وارایلیر. . . . شوالده
صنعت ده، فلسفه ده خارجی عالمدن، ماده دن،
فکر دن، علمدن آلدقلمی عنصرلرک بر طاقم
یکی یکی قیمتلر وجود ویرن اوریشمال
اثرلردر. آنجق بر صنعت اثرینه، صنعت اثری یابان
اصل حقیقت نه مراجعت ایتدیکی چیزکیلر، نه ده
طاشلردر، بلکه صنعتکارک حیانتندن آلدینی و بو
چیزکیلر، طاشلر واسطه سیله افاده ایده ییلدیکی معنادر.
چیزکیلر، طاشلر صنعت اثری ایچون ناصل بر واسطه
ایسه، فکرلر، علملر ده فلسفه سیستمی ایچون
ساده جه بر واسطه در. صنعتکار کی فیلسوف ده
بونلری یالکز واسطه اوله رق قوللانیر. حال بوکه
عالمک ایشی بونک عکسی در. علم عنصرلر واسطه سیله
قاجیجی معنالی افاده ایده جک یرده هیچ بر معناسی
اولمایان جانسیز ماده لری پارچالایور، اولنلری حساب
واستفاده ایدیلر ییلر بر طاقم بسطلره آریسور. علم
صنعت و فلسفه کی طبیعتی دویق ویا اکلایق ایچون
چالیشماز، ساده جه کوردیکی « قید و ایضاح »
ایدر، بر حادته بی دیگرینه باغلار. علم یالکز « ناصل
اولیور ؟ » سؤالنه جواب ویرر، فقط « نه در ؟ »
سؤالنه جواب ویرمه یه اوغراشماز. صنعت و فلسفه نك
ترکیبیلکنه مقابل علمک فعلی (تحلیل) جی در. ایکی
فعالیتک استقامتلی، غایه لری ده آری در : حتی بر
صنعت، علمه مطابق، بعضاً مغایر ده اولایلیر. چونکه
صنعتک وظیفه سی خارجی عالمک اشیاسی، منظره لرینی
دوغری اوکره نك دکلدر. ناصل که فلسفه نك وظیفه سی
کاشان حقیقه - هلمک یاپدینی کی - مثبت فکرلری

آفاق حقیقتلری ییلدیرمک دکلدر. بر فلسفه سیستمی
علمه مراجعت و علمی استعمال ایتسه ییلر دوغریدن
دوغری به علمک کندسی دکلدر. شیمدی بر علم
اثرینه، بر علم آدامنک دعواسنی آکلایق ایچون
ایچون مراجعت ایدیلر جک اصول شبهه سزکه نك در :
ذکایی بو اثره تطبیق ایتک، اثری پارچالایق و هر
پارچاسنی بیک دورلو نجر به ایتکدر. نهایت خارجی عالمده کی
شائیه مطابقتی آرامق در. حال بوکه بر صنعت اثرینه
آکلایق ایچون مراجعت ایدیلر جک اصول، بونک
عینی دکلدر. صنعتکارک اثرینه پارچالایق یرده
طوبدن قاورامق، آکلایقن زیاده دویق لازمدر.
چونکه بوراده علمک اثرنده اولدینی کی چیزکیلری،
شکللری، جسملری آری آری تحلیل ایتک دکل،
اصل بو عنصرلرک وجوده کتریندیک آهنگی، درونی
لسانی کشف ایتک لازمدر. صنعتکارک اثری علمک
اثری کی آکلایق ایتنه ندیکه آکلایق ییلماز بر
حاله کلیر ! بر فلسفه سیستمی بر صنعت اثری کی
مطالعه ایدلک لازم کلیر. یعنی علم اثری کی ذکا
ایله تحلیل ایدیلر جک یرده بر صنعت اثری کی قلب
ایله دویولایلیر. فلسفه اثرنده آکلایق ییلماز لازم
کلن مهم حقیقت، فکرلری، خیاللری، جله لری دکل،
فیلسوفک تلقیسی، « کاشانی کوروش طرزی » در.
بونک ایچون اثری پارچالایق طوبلامق، طوبدن
قاورامق لازمدر. هر شائیتک واحدی کندندن
اولور. مادامک عالمک موضوعی اولان ماده ایله
صنعتک و فلسفه نك موضوعی اولان معنا آری شائیتلردر،
اونلرک آکلایق ییلماز ایچون قوللانیلایق واحدلرک ده
آری جنسندن و کندی جنسلرینه مطابق شائیتلر
اولماسی ضروریدر. علمک ملکه سی « ذکا »، صنعت
ایله فلسفه نك ملکه سی « حدس » در. . . .

اسماعیل صفی



تورکیا جمهوریتی نافعہ پروغرامی

ملی دمیرووللری

ملی دمیرووللرینک هر قاریشنده هر چیویسندہ
ملتک اشتراک حصه سی وارد در .

بغداد دمیروولنک امتیازی ۱۸۶۹ ده ویرلش
وایلك شبکه اوله رق حیدر باشا اذمیت خطی انشا
ایدیلرک مناقلاته آجیلشددر. تام بوندن ۵۷ سنه اول!
اووقتندن بری بغداد کذرکاھنده انشا اولنان
خطلرک مجموع طولی ۱۴۰۰ کیلومتره در. قصبه
- آیدین - صومه باندیرمه خطلریله بروسه - مدانیه
شمندوفر قاریقا تورخنی ده حساب ایدرسنک آلتش سنه لک
برزماندن بری آنادولونک شاخ داماری مثابه سندہ
اولوب بتون بومبارک طوبراغک فیض وبرکتی نقل

ایله دکره ایصاله مأمور اولان دمیروولر مجموعنک
ایکی بیک کیلومتره دن بر آرز فضلہ اولدینی کوریرر.
ایشه « امتیازی شمندوفرلر » ویا « شمندوفر
امتیازلری » سیاستنک آلتش سنه لک محاسبه سی !
آنادولونک وسعتنه، استحصال منابعنک کثرت
و تنوعنه نسبتله بو مقدارک لاشی اولدینی تکراره
حاجت یوقدر صانیرم .
بوقدر جق خطده ملته نه قادر فدا کارلغه مال
اولشدر !

اذمیت - آنقره خطی ۱۸۸۹ ده انشا ایدلش
و آنادولونک استحصال اعتباریله الک مهم منطقه سی
اولان اسکیشهر - قونیہ شبکسنک انقاسنه ۱۸۹۳
سنه سندہ باشلاشددر .

فقط بوقسمده نقلیاتک نورمال بر صورتده جریانی
یعنی شبکهنک هر نقطه سندہ شمندوفرک کچیشته متناسباً
استحصال اولنان موادک مختلف مواقعہ وحیدر پاشایه
نقللری ۱۹۰۰ سنه سندہ باشلار. شوالده بوقسمده
۲۶ سنه لک نقلیات تاریخچه سی وارد در .

عجبا بومدت طرفنده خطک تورک اقتصاد عالمی
اوزرنده کی تأثیری نه در ؟
بوکادائر بر فکر ایدینه ییلماک ایچون تورکیانک
برکت آنبارلری دیمک اولان بو مناطقه کی بوغدای
وذخیره نقلیاتی تدقیق ایدلم :

۱۹۰۰ سنه سندہ بغداد شمندوفر قاری اقسامنده
۱۹۴ بیک کسور طون بوغدای نقل اولمشدر .
۱۹۱۵ سنه سندہ بومقدار ۲۵۹ بیک طون ایدی .
مبدأ اتخاذ ایتدیکنز ۱۹۰۰ ایله ۱۹۱۵ سنه لری
آرمسندہ کی اون آلتی سنه لک مدت طرفنده خطک
اک جوق حیوبات نقل ایتدیکی زمانلر ۱۹۰۲ ایله
۱۹۱۰ سنه لریدر که ارسالات (۴۰۰) بیک طونی بولشدر .
فقط ینه شواون آلتی سنه لک مناقلات لیستہ سی تدقیق
اولوندینی صرهدہ آنادولو خطنده کی حیوبات نقلیاتنک
وسطی اوله رق ۲۵۷ بیک طونی تجاوز ایده مامش
اولدینی تظاهر ایدر . یعنی سنه ده ۱۷۱۰ واغون .
آنادولونک بوبارچه سنک فیض وبرکتنه نسه
بومقدار نه قدر آزدر ! خطک کذرکاھنده اوزابان
اراضی البت بش اون مثلی فضلہ محصول ویرمه
مساعددر . فقط نقلیاتک اعظمی قابلیت آنجق درن
یشوز بیک طونه متحمل بولونسی و دیگر طرفدن خطک
داھا زیاده « دوت » سیاسی خطلری ذهینتده
یایلش اولسی واصل شمندوفر انشا آتندن منتظر
فیضدار تأثیری تأمین ایده جک اولان « التصاق »
و « منطقه » یوللرینک مفقود بولنسی سینندن بغداد
خطنک مملکتیزک اقتصادی انکشافی اوزرنده کی تأثیری
محدود قالش ، وعادتا کذرکاھک آرابه ایله نهایت
اون ساعتک محیطی کچمه مشدر .
امتیاز صاحبی شرکتلر تعرفه خصوصنده داھا
تجاری برطرزده حرکت ایتش اولسه و دیگر طرفدر ده
یوقاروده بحث ایتدیکنز وجهله آنا یولر اقتصادی
« التصاقلر » له تقویه ایدلش بولونسه ایدی شبهه سزکه
خطک تأمین ایده جکی فیض وبرکت داھا بیوک نسبتلره
بالغ اولوردی .

فقط بونواقعه رغماً بغداد شمندوفری سایه سنده مملکتک مهم بر قسمتک نفس آله بیلش اولدینی واستحصالاتی ده ولو محدود مقداره اولان لیمانله دوکک چاره سنی الله ایش اولدیغمزده قبول ایدلیدر.

عثمانی ایمرطورلغی اداره ایدنلر مملکتک عمرانی مسئله سیله مشغول اولنی دوشونه سیدلکری زمان پک تجیع بر غلط رؤیت تأثیریه یالکز روم ایلی وجنوب اولکهلرینی نظردقته آلملردی . بودوشونوش اعماردن زیاده تأثیر ونفوذ منحصراً ایدی . بغداد تیمور بولنک انشاسی ده مملکتک بر حیات داماری قازاندیرمق غایه سنی استهдаقدن زیاده بر طرفدن سرای عالمک دیگر طرفدن خارج سیاست او بونجیلرینک بیک دورلو آنتریقهلری تطمین ایچون تقرر ایشیدی .

واقعا بوللرک بالخاصه دمیر بوللرینک اک بیوک فائده لرندن بری ده مملکتک هر گوشه سنی حکومتک سریع ومؤثر مراقبه سی آلتنده بولندیرمق و بتون اولکده سیاسی واداری بروحدت وانتظام تأسیس ایشک ایه ده غایه یالکز بو اولمایوب بر طرفدن ده اقتصادی حیاتک تنظیم و انکشافی ده امنیت آلتله آلتیق ایجاب ایدر . حقیقی شمندوفر پروغرامی ایشه بوایکی غایه بی توحید و تألیف ایدر صورتده تنظیم ایدیلن گذرگاهلر سیستمیدر .

اعتراف اولمیلدر که شمدی به قدر تورکیاده چیزیلن گذرگاهلرده بویه ابر آهنگ تأسیسی قطعاً نظردقته آلمشمش وبواهاک نتیجه سی اوله رق مرکزی آناتولی وولایات شرقیه هیچ بر اثر عمراندن نصیبه دار اوله مامشدر .

واقعا مشروطیتدن اول بو تسبیه سبب اولق اوزره چارلق روسیه سنک معهود ولایات شرقیه شمندوفر امتیازلری مقاوله لری اوکه سورولمکده ایه ده ۱۹۰۸ دن سوکره اوروپا و روسیه ده کی وضعیت ۱۸۷۸ سنه سنده عقد ایدلش اولان تالی مقاولات اهمیتله تلتی ایدیرمک حالی کچمشیدی . شمندوفر جیلکده کی اسکی حکومتک اهامی داها زیاده بر ذهنت محصله سی اراده صنعی وشمندوفر انشآتنده اولوقتلر نص کی قبول اولان سیستملردن منبشدر .

تورک انقلابنک پارلاق ظفرلردن بری ده آرتیق هردلو قیدلردن سربست قالان حکومتک شمدی به قدر اهامل ایدلش اولکهلرک اعماری پروغرامی راحت راحت دوشونمک اولمشدر . بو دوشونوش جمهوریتک قید ایش اولدینی بیوک شرفلردندر .

عصمت پاشا قاپنه سی ایه معتبر وتمام صورتده تعریف اولمش بر شمندوفر سیاسی ایله تمایز ایشدر .

بوساست غایت وجیز بر صورتده : « تورک

شمندوفرلری تورکملرک مالیدر » جمله سیله تلخیص اولنه بیلیر . یعنی تورک شمندوفرلرینک گذرگاهل انشا و اداره لری تورکملره مودوع بر وظیفه در . تورکیا بومسئله ده سربستی حرکتک تمامیه مالک اولق شرطیه انشآت به باشلایه بیلیر .

تورکیاده کی شمندوفر امتیازلری دالاوره لرله کندیلرینه خیلی ثروت تأمین ایش اولان بر جوق خارج ایش آدملری بوساستی عقامته دوشورمک ایچون بالطبع ایجه اوغراشمقده ایدیلر . فقط شوملی د-توری غایت قیصقاج بر صورتده مدافعه ایدن حکومت بو آنتریقهلری کوکندن بیقاجق بر قراره مراجعت ایددی : « شمندوفر لریمزی ایجاب ایدر سه منحصراً کندی وسائط مزله ده یابارز . » بوقرارک مقدمه سی اولق اوزره آنقره - سیواس بولنک انشاسنه باشلانیدی . و هرکس آکلادی که تورکملرک بو بولده کی عزم و اراده لری غایت قوتلیدر . بو عزم قارشینسند خارجده بولانلق صوده اولانانلر امیدلرینی کسیدیلر . و اوآندن اعتباراً تورکیاده شمندوفر انشآتق نورمال بر تثبث مالی وصناعی ماهیتنه انقلاب ایددی . مالی غروپلر مسئله نک یالکز « ایش » طرفنی آلهرق تدقیقانه باشلادیلر . طبیعیدر که تثبث قید سیاسی شابه سی اولق سزین تدقیق اولوتجه صورت تسویه ده بولق قولایلاشیردی . بوسورت تسویه ، تورکملره تشریک مساعی اساس ایدی . ذاتاً تورکیا جمهوریتی ده هیچ بروقت بر طرز مشارکتک معارض بولنماش ایدی که . فقط اشتراکک ناموسلی وجدی آدملرله یاپیلان « ایش مشارکتی » شکاندن جیقماسنی استهдаف ایدیوردی .

ایشته عصمت پاشا قاپنه سنک صوک دفعه اسوچ وبلجیقا غروپلرله عقد ایدیک انشآت نافعته مقاوله لری و بوانشآتق تأمین ایچین اخراجی مقرر بونولر بوکی دوشونجه لری محصله سیدر .

عصمت پاشا قاپنه سنک انشآت پروژه سی تورکیا نافعته واقتصادیات عالنده تام معناسیله یکی بر جیغیر آچمشدر . او جیغیرده « ملی شمندوفر جیلکدر » تورک ملی شمندوفر جیلکی تورکیا حیاتنده پک مهم ایکی تأثیری جامعدر . بونلر حقنده برایکی کله سوبلکی وظیفه عد ایلرز :

۱- ملی شمندوفر جیلک دیمک مملکتک ورت طرفنی صاراجق اولان جلیک قوشاقلرک هر ساعتمده هر حیواطه سنده افراد ملتکده حصه سی بولنسی وتشبثی بو بولده تلتی ایدک اوصورتله بوللرینی دوشونسی سومسی ، آتیمی ایله علاقه دار بولونسی دیمکدر . مسئله نک یالکز بوجهتی اجتماعی ترقیلرک الک فیضدارلرینی تأمینیه کافیدر .

شمندوفرلری ملیشدیرمک بونلری هر هانکی شکله اولورسه اولسون ملی فعالیتلری انکشاف ایدیرمک مأمور ملی خدمات میانه ادخال ایشکدر . بو تشریحاتدن آکلاشیلرک شمندوفرلری ملتک مالی یاعق اجتماعیات واقتصادیاتده پک بیوک بر ترقی بی افاده ایشکده در .

بو سایه ده ملت شمندوفر جیلک کی معظم بر خدمته بتون قلیله مربوط اوله رق اسکیمی کی بونلره قارشق « قومانیامالیدر » دیبه یابانجی وصغوق دورماز . ترقیسی ایله علاقه دار بولنور . امتیازلی شمندوفرلر هیچ بروقت بونلتی و بو علاقه بی دوغور مادقلری جهته دائماً عقیم قالمشدر . امور نافعته وتشبثات صناعیه نکده هبسنده بو جیغیرک آچیلیمی الزمدر .

شوحالده بر طرفدن بتون بر ملتک اراده وقدرتی دیگر طرفدن خارجک تقنیکی ومادی واسطه لری بویوک ایشی باشارا بیلیمک ایچون لازم کورینن آهنگدار وصیمی مشارکتلرک اک جانلی تمثالریدر .

فقط یه سوبلرزه که بوشرکتک دماغی اراده سی تورکده در . آنجق بوسورتله ایش امین نتیجه به واریبیلر .

۲- یکی شمندوفر پروغرامنک ایکنجی تأثیری گذرگاه تعییننده در که پروژه نک بوجهتی تورکیاده کی اقتصادی بوللر سیستمده مهم بر انقلاب حصوله کتیره جکدر . شمدی به قدر یاپیلان دمیر بوللریمزک وجهه سی اولان استانبول سوکره ازمیر ایدی . خطلر بوایکی لیمانده نهایت بولق اوزره انشا و بر برلرینه وصل اولنمشلردی . بر آرهلر آنادولو شمندوفر شرکتی اذمیت لیماتی خط باشی یایق ایشتمش ایه ده بالاخره بوفکرندن واز کچمشدر .

حالبوکه شمدی آنقره تورکملکک پای تخی اولسی و آنقره نکده وضعیت اعتباریه آنادولونک همان مرکزی نقطه سنده بولنسی سببیه خطلرده بوراده تمرکز ایده جک و پای تخت آنادولو یاریم آطه سنی جویره ن بتون دکزلره وشرق اولکهلرینه باغلانه جکدر . بویکی گذرگاه التصاق خطلرله تقویه اولدینی تقدیرده مملکتک شمندوفر انشآتق فنی ومنطقی صفحه به کیره جکدر .

گذرگاه سیستمک کرک اقتصاد وکرک سیاست نقطه لرندن بومنطقی ماهیتی مملکتک ترقی وانکشافی امرنده صوک درجه مهم و فیضی نتایجی داعیدر . شمدی به قدر حامل اولدینی زراعی و معدنی خزینهلری بر دورلو استثمار ایده میان ، پک قیمتی متاعی بازاره دوکمین مرکزی و شرقی آنادولو اووقت اومولسادق رفاهه نائل اوله جکدر . ولایات شرقیه دن مرکزی آناتولیدن یایدیغمز اخراجات یالکز اوزون نقلیاتدن بوزولیمه جق اولان و برده قیمتی اعتباریه بول مصرفه تحمل ایده بیلن اشیایه منحصراً قالمقده در . خالی ، قورو ائلر ، دری و بوستر و برده سورو ایله بورویه بیلن جانلی حیوانلر کی ، حالبوکه بو دیارلرک بوندن باشقه کرک اخراجات تجارتی و کرک مملکت احتیاجاتی تطمین ایده جک داها نه بیوک و نه برکتلی استحصالاتی واردر ! از جمله ذخیره ، یشلر ، بیاق و بوندن ماعدا مناقله سزک یوزتدن ایشلمین معدنلر ، انحطاطه یوز طونان صنعتلر ... بونلرک هبسی تورکیه وخارج بازارلرینه دوکیلرک اقتصادیاغزه کوربوز و کلکون بر جهره صحت بخش ایده جکلردر .

پروژه نک کوزل خصوصیتلردن بری ده آراکلی حوضه فحیه سنک ایجری آناتولی به وصل اولنماسیدر . بوسایه ده ملی کوموریمز یه کندی شومندوفر لریمزله آنادولونک هر طرفنه یاییله رق صنایع حیاتنک انکشافی تأمین وتعجیل ایدن عوامل میانه داخل اوله جکلردر که بوده سونجمله قارشولانه جق نتیجه لردندر .

ملی شمندوفر لریمزک انشاسی ۳۵۰ میلیون لیرالق

بر سرمايه يي استلزام ايديكي آكلاشيلور . پروژه اعظمي اون سنه ده اكال اوله جفته نظراً سنوي ۲۵ ميليون ليرا ديمكدر . شمدى به قدر دولتك بوايش ايچون بودجه به قويديني مبلغك شوبله بويله بر منلى .

يوقارده سويلديكمز وجهله شمندوفرليرى مليشديرمكه طوغرى كيتديكمز وخطرلرده كنديمزك مالى اوله جنى جهتله مملكتك اعمار و ترقيسى آرزو ايدن هر بر توركك بوتشئي بنسبهرك حكومتك انشا . مصارفى قارشولنى اولق اوزره بونو وياشووبوشكلده اخراج ايدده جكي حصه لره قدرنى نسبتده اشتراك ايتسى ضروريدر .

بو طرز اشتراكك آز جوق مادي منفعتي بولنديندن ماعدا مملكتك تشبثات نافعه سنه ملك بتون قليله مربوط اولسى كي اقتصادي واجتماعي ساحه ده بيوك بر موقفيت تشكيل ايدر . آرتق امور نافعه نك كافه سنى دولتن بلكمك زمانى كچمش وهر برده اولدينى كي مات كندى سى و اراده سيله مملكتى اعمار ايدوب جنته جويرمى زمانى كلشدر . مدنيتك الكيوك سائقارندن برى ده ترقى و تعالى به عزم ايتكدر . بواراده نه قدر قوى اولورسه اوقدر ولود اولور .

غالب مختيار

هامش : مخطره قيلندن اولق اوزره بعض مملكتلرده كي شمندوفرطولنى ذكرايتكى فائده لى بولدم .

روسيه ده	۶۴	بيك كيلومتره .
آلمانباده	۵۶	»
فرانسه ده	۵۳	»
انكلتره ده	۴۲	»
ايتالياده	۲۰	»

آوروپا قاطعه سنه ده كي موجود خطلك طولى مجموعى ۳۰۰ بىك كيلومترو راده سنه ده . حالوكه آمريقادده يالكز جواهر متفقه خطلى ۲۵ بىك كيلومتره به بالغ اولقده در .

غ . ب

اقتصادى صاحبه :

تحرير نفوس و تجربه لرى مناسبيله

الكنهايت توركياده ده علمى معناسيله بر « ستايتيك » تأسسه دوغرو اديم آتيلدى : سيواسده ياپيلان « تحرير نفوس » تجربه سى بونك ايلك مبشريد . الله ايديلن نتيجه بزه علمى بر تحرير نفوسك ضرورتى بر قات دها قوتله اثبات ايتش اولدى . چونكه شيمدى به قادار ، موجود رسمى وغير رسمى منبطله نظراً سيواس ولايت مركزينك نفوسنى آلتش بىك كسور اولارق بيلوردق . (كچن سنه انتشار ايدن « دولت سالنامه سى » نك (۶۵۴) نجى صحيفه سنه مراجعت !)

حالبوكه ياپيلان تجربه بزه ، سيواس ولايت مركزنده - غارنيزون ده داخل اولق اوزره آنجاق ۳۰۷۴۶ نفوس اولدينى كوستردى . اولكى عددلره

شيمديكى عدد آراسنده كي بوفاحش فرق ، موجود عددلره قارشى اولان امنيتسزلكمى بك حقل اولارق بوسوتون تقويه ايتدى . ديمككه ، سيواس ولايت مركزينك نفوسى حقتده شيمدى به قادار همان يارى يارى به آلدانيورمشز ! انشاه بو منى آلدانيشمز مملكتك عموم نفوسنه شامل اولماز . جوق قوتله محتملدركه باشقه بر ولايتده كي حقيقى نفوس مقدارى ده شيمدى به قادار ظن اولونانك جوق فوقنده چيقيسن ، يعنى بزه بو سفرده مثبت بر آلدانيش بخش ايتسين ! . هر حالده سيواس تجربه سى ، نفوسم حقتده كي موجود عددى معلوماتك افلاسى اثبات ايتش اولقده اك بويوك خدمتى ايفا ايتشدر !

سيواس تجربه سنه توزيع اولونان ورقه لرده مندرج سؤاللى غزته لرده اوقودق :

- ۱ - خانه نومروسى ۲۰ - شهرت و اسم .
- ۳ - جنس (اركك ، قادين) . ۴ - ولادت تاريخى . ۵ - محل ولادت . ۷ - حال و شخص . (بكار ويا اولى) . ۷ - آنا لسانى . ۸ - دائى اقامتگاهنك بولوندينى بر . ۹ - برلى اولارق نفوس سجله يازيلدينى محلك قضاسى ، محله ويا قريه سى ، سوقاغى ، نفوس دفترده مقيد خانه نومروسى ۱۰ - تابعيتى . ۱۱ - مملك ويا صنعتى . ۱۲ - معلومات يعنى اوقور بازارلى . ۱۳ - دينى . ۱۴ - اعراض بدنيه سى . - اكر غزته لرده كورديكمز بو معلومات تام ايسه شونى در حال اعتراف و تثبيت ايتلى يزكه بوسؤال ورقه لرى جوق ناقصدر . بناء عليه بوقادار بويوك بر علاقه ايله بلكه ديكمز و بر جوق زحمت و مصرفله الله ايديله جك اولان ايلك علمى ستايتيكيك بزه نتيجه ده ويره جكي معلومات بك محدود اولاجقدر . توركياده ياپيلاجق ايلك علمى ستايتيكي بويله ساده جه بر نفوس تحريرينه انحصار ايتديرمك دوغرو دكلدر . زرده قالدى كه بوسؤال ورقه سى بزه ، ياپيلان تجربه نك تام بر نفوس ستايتيكي بيله اولماديغنى افشا ايتكده در . مثلاً ؛ بوسؤال ورقه لرى شخصى ورقه لردر . « عائله » مفهومى محتوى دكلدر . حالوكه آبرى آبرى فردلك عائله وحدتلىنه كوره تقسيحنى بيلمك جوق مهم و جوق لزوملى بر نقطه در . بزه بو جهت اهمال ايدلش كي كورونيور .

هيچ بر اساسلى و علمى ستايتيكيه مالك اولمايان مملكتلرده ياپيلاجق ايلك ستايتيكيك بويله ساده جه بر نفوس ستايتيكي اولماسى بويوك برانكسار خياله سبيت ويرير . كله جك عمومى تحرير نفوس نتيجه لرى تبين ايدنجه مملكتمزه عائده بر جوق اجتماعى و اقتصادى سؤاللك ينه جوابسز قالمغه محكوم بولونديغنى كوره جكز . ستايتيكيك تجربه لرى ايسه صيق ، صيق تكرار اولونماز . چونكه هم مصرفليدر ، همده خلق اوزرنده صيقيجى بر تائير يابار . برنوع ستايتيكيك لا ايلالكي پيدا اولور . حالوكه سيواسده ياپيلان ايلك تجربه اثناسنده بوتون ولايت مركزى بر برابر امكونى منظره سى عرض ايتش . اكر بوتجربه لرقيسه فاصله لرله تكرار ايديليرسه اووقت بو « سه رهمونيل » تائيريى قايب ايدرلر .

آنجاق اجتماعى حياتك بوتون تفرعاتى منتظماً خصوصى ستايتيكيكله تعقيب ايديله بيلن مملكتلرده دركه بويله دار ساحه لره عائده ستايتيكيك ياپيلايلير . حالوكه بزداها هيچ برشى بيلمورز . اونك ايچون سؤاللى ممكن اولدينى قادار تنوع ايتديرمك انجاق ايدر .

حاضرلانا ستايتيكيك بزه يالكز ده موغرافيك معلومات ويره جكدر . حالوكه اقتصادى واجتماعى ستايتيكيكله ده شدتله احتياجز واردر . بناء عليه بو سؤال ورقه لرينه شهرلرده مثلاً ، ممكن مشله سنى ، ايشسزلك مشله سنى مملكتلر داخلنده اجتماعى صنفلره انقسام مشله سنى كوستره جك سؤاللر علاوه اولونايلير . كويلرده ايسه اراضى مشله سى (مملك بويوكلكى ، زراعت ايديلن قسمى) ، حيوان مقدارى ، آلت وما كينه مشله سى ، اراضينك زرعيات نوعه كوره تقسيمى ، عائله افرادينك يالكز كندى طوپراقلى اوزرنده زراعتله مى يوقسه سارو هانكى ايشلرده و ندرده مشغول اولدقلى ، زراعتده ايشجى مشله سى كيى بر جوق مهم نقطه لرده جواب ويره ليدر . او وقت توركيانفوسنك اجتماعى و اقتصادى حياتده اويناندينى روللري ده غايت ابى اوكره نه بيله جكز . عيى زمانده مملكتك اقتصادى بنيه سى حقتده اولدجه صرع معلومات ايدينه جكز و بو كونكى قارا كلقدن بر آز قورتولاچغز .

فقط شونى ده علاوه ايدلم كه بوتون بوسائله شامل بر ستايتيكيك بويله بر « كون » ده باشاريلاماز . بالخاصه كويلرده ياپيلاجق اقسام ايچون هيچ اولمازسه بر موسم مدق لازمدر . غزته لرده كي بيانانلردن كرك موسيو ژاكارك كركه معاونلرينك بو « بركون » پره نسيه بويوك بر اهميت ويردكلى كورونيور . اجتماعى حياتك اك كوچوك تفرعاتى ستايتيكيك تثبيت ايديله بيلن مدنى مملكتلرده نفوس تحريرى ايچون بو « بركون » پره نسيه علمى بر ضرورتدر . فقط هيچ برشى بيلمه ديكمز توركياده نفوس تحريرى ديكر اجتماعى و اقتصادى ساحه لره عائده سؤاللرله تنوع ايتديرمك مجبوريتنده اولديفه زدن بو پره نسييدن بر از فدا كارلقى ايتك ضرورى اولاجقى قناعتده يز .

هر حالده عمومى تحرير نفوسه باشلانيلمادن اول موسيو ژاكار و معاونلرينك بو مشله ايچون حاضرلادقلى يلانى و پروغرامى عمومى بر مناقشه به وضع ايتله لرى ظن ايديبورزكه جوق ابى اولوردى . چونكه كنديلرى ده بك اعلا بيليرلرله بو عمومى ستايتيكيك مساعيسنده « پروغرام » اك مهم رولى اوينار . بونك بوتون تفرعاته وارنجه به قادار و مملكتك احتياجزلرينه تماميله مطابق بر طرزده تنظيم ايديله بيلمه سى ايچون بوتون علاقه دارانى تمثيل ايدن بر قوميسيون طرفندن احضارى ، مساعيسنك موقفيتى ايچون ايلك شرطدر .

موسيو ژاكارك تصوراتى حقتده دها زياده معلوماتدار بولونماديغز ايچون هيچ شبهه سزكه بوتون بو دوشونجه لرمنى منى مقامنده در .